

إجيت اعلى الكبر حامل شمع و ورود
في عيدج ياحنونه ويومج المعهود
أنادي يمه قومي من تحت للحلود
انا المهدي إجيتج والقلب ممرود

قومي يا يمه اونشفي دمعة العين

في عيد الأم إجيتج أرد اقدم دين
في ايدي حامل اورود الحسن وحسين
وقبلة عالکبر بس چنها عالخدین
او وردة امن العقيلة ويه دمع العين

وبس تذكيرين الحبايب خفي لونين

إذا عالنهضه يمه تكثر الأوجاع
انأ ادري يالبتولة امكسره لضلاع
بضمج بالتراييب بالآلم هالساع
وعين مورمه گلبي لجلها التاع

امصابج ايعذبني والله طول لسنين

ابد ماهو بديّه قومتي يابني
اريد انهض واريدك يابني اضمني
يمهدي چم ألم هذا الدهر ذبني
وسف لكن نحيله وضلعي ألمني

يابني هالطاغي دفعني وطاح لجنين

ييمه الولد كل سنة يعايد أمه
ويقبل ايديها وتقوم وتضمه
واشوفج وحيده يزهره في وحشه
بنينج محضرو بعد هذي دهشه
ويجيها ابگلب حاني وبوجهه بسمه
وتمسح في راسه وتنزع له همه
ومن منظرج والله صابتنی رعشه
وسواد المصابيب ملايك تفرشه

منتظر يغاييب
وَجَعَت لي قلبي
الحسن في قبره
اسمعه ابونينه
والمصيبة لحسين
(قطعوا وصاله)
قلبي والله ذاييب
وزيّدت لي نحبي
چبده چنه جمره
يمه ياحزينه
ظل بلايه امعين
وما أحد أجاله

إذا انكر حبيبي حسين
صعد ويلي يحز لوتين
بفخر يرفع جبين الدين
او كسر لِيّه الضلعين

يتيمة حيدرہ تنضام
إلى اديار المذلة الشام
تدش مجلس عدو الأسلام
او نكس راية الظلام

يمهدي هانت اوجاعي
شمر جاله وعلى صدره
بنعل داسه وقطع راسه
يريته هبر اوداجي

يمهدي والأشد واصعب
من ديار الفخر ترحل
يمهدي تدري بالهوره..؟
دعجل يابني ثاراتك

إذا زينب تجي لامها تكلها
تشيل اورود وبالبسمة تزينها
وترسم بسمة بس ما تقترب منها
تناديها يا يمه وتالي تحضنها

يمه يا زهرا أحبج يالحنونه

تجي ابوسط الحجر فرحانه تتدنه
مته خويا اشوفه وبيه انا اتنهى
وتمسح في حمل أمها وتسالنه
وانادي بإسمه واصبغ چفه بالحنه

طالت الغيبه متى انلاقي اخونه

منى قلبي أحط راسه ابوسط حجري
واناغيه وأقله بحبي يا بدري
وارفعه بيدي وصدرة على صدري
أنا قدرك وإنته يا الأخو قدري

وما درت في مولده ساعة منونه

وفاطم تسح الـ مدامع كئيبة
وتجري دمعها.. نديه ورطيبة
وتخفي حزنها.. لـ تبجي الحبيبة
تقول اقبلها.. يزينب غريبة
ترا هذا مُحسن.. شهيد الطفوله
تشوفينه دامي.. على الغبرا طوله
ورد چنه لكن.. جُروحه ذبوله
في لحظة مآسي.. في لحظة مهوله

تنظرينه زينب
معتلي ونينه
هالطفل عذابه
الدمامهاده
يعتفر ينادي
هالقمر تكور
دمه منه ينصب
جنبي يالحرينة
قاسي واغترابه
ساعة الولاده
زادته الاعادي
اه يحالي لقشر
من أنعصر قوة ورا الباب
متوسد ابألامه لـ تراب
ما تلتقيه اچفوف لـ حباب
بين الرماد ونار أصحاب
من يشمتون ابفگد لـ حباب
امصابه مَظن يعذله امصاب

غصب والدمعه سبقتها
ولنها تعجبت صاحت
وردت فاطمة بحسره
تقلها بنتي فرحتنا
وطاحت في وجن بتها
وعن هالدمعه سألتها
بعدمأ العبره خنكتها
بدايتها نهايتها

بجت زينب ولا انتظرت
بصغرها جتها هالفجعه
تودع خوها وتتدب
بدت وسفه مصايبها
مناحتها بأسى جرّت
ومنها بالأسى انكسرت
اذا بامها ابد مرّت
ومنها المهجه اتفرّت

جميع الخلق في عليك أيتام
جألت أن تفيك الوصف أقلام
بك يا أم كل الكون قد هاموا
صلاة أنت والآم إحرام

كلنا فيك أيا زهرا يتامى

ولولاك لما كانت لنا الدنيا
خلقت جنّة من أظهر العيا
وما عاش عليها كائن حيّا
سقيت الأرض عطفًا والسما ريا

فامطري ارواحنا منك غمّا

بك قد أودع الرحمن أسراراً
براك دون عيب غار من غارا
وأجرى باسمك في الخلد أنهارا
إلى أن فيك روح القدس قد حارا

فسلاماً يا ابنة النور سلاماً

أدرت الرّحى و.. استدار الوجود
إذا ما ادلهم البيظام الشديد
رسمت الأمانى.. بروح تجود
أنرت الدياجى... فشع الخلود
حوى منك قبساً.. وبعض الضياء
لك ذاك فضل... ودون النساء
بجنب الرسول... مع الأولياء
حديث الكساء

كم أتى أبوك
واقفاً مجلاً
لاثمًا يدك
باسمًا أهلاً
مُعظماً كفيك قدراً
شمسٌ أتت تشتاق بدراً
إذا بدرب الدار مراً
تنبع بالخيرات طراً
أن لا ترى في العمر شراً
إذ أوجعوا الجنات عصراً
هل نسوا الوصية
خالفوا محمد

أحاطوها بمن فيها
تملأى قلبهم تيهها
وكم بالمدح تعنيها
فقد كفروا معانيها
سوى باب يغطيها
تميل له ليحميها
ونار الغدر تكويها
بمسمار ليُدميها

أتوا والدار تؤويها
شياطين بهم حقد
نسوا أي الهدى جمعا
برب الخلق قد كفروا
وقد كانت بلا ستر
ولاذت خلفه صونا
فرضوا ضلعها حقا
وفي صدر الصفا جاؤوا

شكت فاطم وما تشكي ابد لانسان
إلى الله ترفع اچفوف الأسى ولحزان
شكت بين المقابر والدمع غدران
تقله ربي ذابت روعي ابلشجان

لك أوكل شكوتي واهمومي وامري

وهالليله نبث عد فاطم الشكوى
رغم كل البلا والهم نصير أگوی
بعزايهما وصبرها جينا نتروى
ولو سوى الزمن فينا الذي سوى

ما يهمنا اللي مضى والبينا يجري

شباب اتجدلت مثل الورد كانت
لجل نهج العُلا في الشده اتقانت
مصاييها علينا والله لا هانت
علايم للنصر منهم لنا بانة

شعبي نادى يا رزايا إخذني صبري

وسجين ابسنينه.. يفدي الفضائل
رسم تضحياته.. في صبره يناضل
جميع ابتلينا.. ودهتنا المواجه
وحتى المهجر.. يقول أنا راجع
صبر في عذابه.. ولو حبسه طایل
عزيز ابصموده.. اللي ما مثله حاصل
وعشنا البلايا.. وعشنا المدامع
تعودنا كنا.. يزهر الفجايح

يا إلهي فرج
بفاطمه نخينا
احفظ الغيارى
وارحمه فقدنا
واكتب السعادة
وانتقم يا راحم
عنا كنا فرج
ترتفع ايدينا
ورجع الأسارى
في درب محنا
من دم الشهادة
من عدو وظالم
ابحگ أم حسن هالليله يا رب
وندري نصرنا بيها قرب
تعلم علينا الفرگه تصعب
كلمن على الفرگه تغرب
والأمهات التبقى تحب
حق الشباب اللي تعذب

شعب بجراحه يتقدم
صبر واحزانه عنوانه
بقى وسط الأذى صامد
اخذ من فاطمة العزه
بذل لجل الكرامة الدم
ودهره ما إله يرحم
ورغم آلامه يتبسم
ولا للطاغية سلم

شعبنا ايواسي الزهرا
يفوض حاله للباري
يظل متمسك ابدينه
عزيز ومنهجه ثابت
ومنها يستمد صبره
وكل اوجاعه وقهره
وكتاب الباري والعترة
وحاشا منهجه ايغيره